

# amserbeibl

## Astudiaethau Beiblaidd – Safon 4

Cofiwch roi eich enw a'ch cyfeiriad yma.

Oedran \_\_\_\_\_ Dyddiad geni \_\_\_\_\_

Enw \_\_\_\_\_

Cyfeiriad \_\_\_\_\_

Enw Arweinydd y Dosbarth \_\_\_\_\_

### Astudiaethau Beiblaidd o'r Efengylau

Cofiwch mai un llythrennau yw ch, dd, ff, ng, ll, ph, rh, th



**DARLLENWCH**  
Ioan 2: 1-11



**ADNODAU  
ALLWEDDOL**  
Ioan 14: 15  
Ioan 15: 14

## Astudiaeth I Gwyrthiau – Troi'r Dŵr yn Win



### Awgrymiadau am Adnodau Eraill i'w Darllen

Salm 86: 1-12    Luc 11: 1-13    Ioan 15: 9-14

Hon oedd gwyrth gyntaf yr Arglwydd Iesu. Efengyl Ioan yw'r unig un sy'n adrodd yr hanes. Roedd Iesu, ei fam a'i ddisgyblion i gyd wedi'u gwahodd i briodas ond dydyn ni ddim yn cael gwybod priodas pwy oedd hi.



## CROESAIR

### Cliwiau ar Draws

- Beth oedd yn digwydd yng Nghana, Galilea?
- Beth oedd yn brin yn y briodas?
- Roedd y llestri dŵr wedi'u gwneud o hwn.
- Dywedodd Iesu wrth ei fam "Nid yw fy \_\_\_ i wedi dod eto".

### Cliwiau i lawr

- Beth yw'r enw ar ddydd sy'n priodi?
- Beth oedd y llestri mawr yn ei ddal?
- Roedd pobl arfer rhoi'r gwin da gyntaf ac wedyn y gwin \_\_\_\_\_.
- Faint o lestri dŵr oedd yna?
- Mae'r wyrth hon yn dangos (amlygu) \_\_\_\_\_ Iesu.



**C** Chwiliwch am yr adnod lle mae Mair yn siarad â'r gwasanaethyddion (y bobl oedd yn gweini yn y briodas) ac ysgrifennwch beth a ddywedodd.



- C** Os yw  $a=1$ ,  $b=2$ ,  $c=3$ ,  $ch=4$  ac ati, ceisiwch ddatrys y cod ac ysgrifennu'r gair. Dylem ninnau hefyd wneud beth bynnag y mae Iesu'n gofyn i ni ei wneud. Pan wnawn ni hynny, rydyn ni'n:-

26/8/26/6 \_ \_ \_ \_ iddo Ef.

Rydyn ni'n dangos ein bod yn caru Duw trwy fod yn ufudd iddo. Os nad ydyn ni'n ceisio bod yn ufudd i Dduw, rydyn ni'n dangos nad ydyn ni'n ei garu. Er mwyn dilyn Iesu Grist a bod yn ffrindiau iddo, mae'n rhaid i ni drystio ynddo fel ein Gwaredwr a bod yn ufudd iddo.


- C** Ysgrifennwch y ddwy Adnod Allweddol a **THANLINELLU** y gair allweddol yn y ddwy adnod.


- C** Pwy sy'n siarad yn y ddwy adnod hyn?

--

Sut rydyn ni'n gwybod beth mae Duw eisiau i ni ei wneud?

## 1. Trwy ddarllen y Beibl. *Y Beibl yw Gair Duw i ni.*




- C** Beth y mae Salm 119: 105 yn ei ddweud?


## 2. Trwy weddio.



### **Gweddio yw siarad â'n Tad yn y Nefoedd.**

Mae Duw yn siarad â ni trwy'r Beibl. Rydyn ni'n siarad ag ef wrth weddio a sôn wrtho am ein problemau a'n hanghenion. Mae siarad 'dwy ffordd' fel hyn yn bwysig iawn ym mywyd y Cristion. Fel Cristnogion, allwn ni ddim gobeithio ufuddhau i Dduw yn ein bywydau os nad ydym yn barod i ddarllen y Beibl bob dydd a gweddio'n rheolaidd, fel y gallwn wybod beth y mae Duw'n dymuno i ni ei wneud.



- C** Ysgrifennwch ran gyntaf Salm 86: 11 a gwnewch hi'n weddi i chi ar gyfer yr astudiaeth hon.




DARLLENWCH  
Ioan 4: 43-54




ADNODAU  
ALLWEDDOL  
Actau 16: 31  
Rhufeiniaid 10: 9

## Astudiaeth 2 Gwyrthiau - Iacháu'r Bachgen

Awgrymiadau am Adnodau Eraill i'w Darllen

Ioan 3: 14-18 a 36 | Ioan 5: 1-5 a 10-14

Yn y Darlleniad o'r Beibl, daeth Iesu yn ôl i'r dref lle gwnaeth ei wyrth gyntaf. Mae'r dref hon mewn ardal o'r enw Galilea yng ngogledd Israel. I'r de o Galilea mae Samaria ac i'r de o Samaria mae Jwdea, lle mae trefi a dinasoedd fel Bethlehem, Jericho, Bethania a'r brifddinas, Jerwsalem.




### C Nodwch y manau a ganlyn ar y map:-

1. Enw'r llyn.
2. Enw'r dref lle gwnaeth Iesu ei wyrth gyntaf.
3. Enw'r dref lle oedd y swyddog yn byw.
4. Enw'r dref lle cafodd Iesu ei fagu. (Gweler Luc 4: 16)
5. Enw'r afon lle cafodd Iesu ei fedyddio. (Gweler Mathew 3: 13)
6. Enw'r ddinas lle cynhaliwyd gŵyl y Pasg.
7. Enw'r ardal yr oedd Iesu newydd ddod ohoni.



**C** Ysgrifennwch atebion y cwestiynau isod yn y grid.



1. I ble'r aeth Iesu?
- 2 a 3. Dywedodd Iesu wrth y swyddog "Heb ichwi weld \_\_\_\_\_ a rhyfeddodau, ni \_\_\_\_\_ chwi byth."
4. Beth ddywedodd Iesu wrth y swyddog am ei wneud ar ôl iddo ddweud y byddai'r plentyn yn byw? "Dos \_\_\_\_\_."
5. Am faint o'r gloch yr oedd y bachgen wedi dechrau gwella?

5

1

**C** Mae'ch atebion wedi'u hysgrifennu ar draws y grid. Edrychwch i lawr y grid i weld yr ateb i'r cwestiwn isod a'i liwio: Beth wnaeth Iesu i'r bachgen sâl?



Erbyn diwedd y stori, yn ogystal â chredu'r geiriau roedd Iesu wedi'u dweud wrtho, roedd y swyddog yn credu mai Iesu oedd y Meseia. Yn ogystal â gwella salwch ac ati, mae Iesu'n gallu ein gwella yn ysbrydol (maddau ein pechodau a gwneud pethau'n iawn rhyngom ni a Duw).

**C** Esboniwch YN EICH GEIRIAU EICH HUNAIN pam y credodd y swyddog yn yr Arglwydd Iesu.


2

**C** Ysgrifennwch eiriau Actau 16: 31. (Un o'r Adnodau Allweddol)


2

Mae'r Adnod Allweddol hon yn dangos mai'r unig ffordd i Dduw ein hiacháu ni a maddau'n pechodau yw i ni gredu yn Iesu Grist. Allwn ni ddim ennill iachawdwriaeth trwy fyw yn dda. Gwnaeth yr Arglwydd Iesu y cyfan trwy farw ar y groes. Y cwbl y mae'n rhaid i ni ei wneud yw credu!

**C** Ysgrifennwch yr Adnod Allweddol arall a thanlinellu beth y mae'n rhaid i ni ei gredu er mwyn cael ein hachub.


3

Ydych chi wedi credu yn yr Arglwydd Iesu Grist? Ydych chi wedi dweud wrth rywun eich bod yn credu ynddo Ef?



DARLLENWCH  
Marc 10: 46-52



ADNODAU  
ALLWEDDOL  
Marc 10: 52

## Astudiaeth 3 Gwyrthiau – Bartimeus Ddall

### Awgrymiadau am Adnodau Eraill i'w Darllen

Mathew 4: 18-22 Effesiaid 6: 10-18 Colosiaid 3: 8-17

Yn amser Iesu Grist, nid oedd y wladwriaeth yn rhoi help i bobl ddall; ychydig o bobl oedd yn poeni amdanynt ac roedd rhaid iddynt gardota er mwyn byw. Dylem ni fod yn ddiolchgar am gael gweld a dylem ofalu am bobl sy'n ddall neu ag anabledau eraill.

### Dyma fap o ran o Jwdea, ger y Môr Marw.

Does dim byd yn gallu byw yn y Môr Marw gan ei fod mor hallt.

### C Nodwch ar y map:-

1. Enw'r afon. (Darllenwch y wers o'r blaen – yr un afon yw hi)

1. \_\_\_\_\_

2. Enw'r dref lle gwnaeth Iesu ei wyrth.

2. \_\_\_\_\_

3. Prifddinas Jwdea.


3. \_\_\_\_\_

4. Enw'r dref lle'r oedd Mair, Martha a Lasarus yn byw. (Gweler Ioan 11: 1)


4. \_\_\_\_\_

5. \_\_\_\_\_

5. Enw'r dref lle cafodd Iesu ei eni.



Y Môr  
Marw



5

## CHWILAIR

Rhowch gylch o gwmpas yr atebion i'r cliwiau isod yn y Chwilair a'u hysgrifennu isod. Maen nhw wedi'u hysgrifennu ar draws, i lawr, i fyny, ar letrows, am ymlaen a go chwith.

1. Enw tad Bartimeus. ....
2. Beth oedd Bartimeus yn gorfod ei wneud i gael arian?  
Roedd yn gorfod .....
3. Galwodd Bartimeus Iesu yn Fab .....
4. Dywedodd Iesu wrth Bartimeus bod ei ..... wedi'i iacháu.
5. Ar unwaith, roedd Bartimeus yn gallu gweld a dechreuodd ..... Iesu.

A	T	O	D	R	A	C	A
C	I	P	A	I	R	P	C
C	M	A	F	W	P	O	D
E	E	N	Y	L	N	A	G
R	U	A	D	D	Y	F	F
E	S	P	O	R	F	E	I

5


**C** Chwiliwch am Salm 145: 18 ac ysgrifennu'r adnod.


2

Roedd hyn yn sicr yn wir am Bartimeus. Gall fod yn wir amdanom ninnau hefyd!  
Clywodd Iesu Bartimeus a galwodd amdano.

**C** Ysgrifennwch y cwestiwn a ofynnodd yr Arglwydd Iesu a'r ateb a roddodd Bartimeus.

Gofynnodd Iesu



Atebodd Bartimeus

2

Roedd Iesu'n falch fod Bartimeus mor benderfynol o'i gyrraedd. Yr oedd ei ateb yn profi bod Bartimeus yn gwirioneddol gredu y gallai Iesu roi ei olwg iddo.

**C** Ysgrifennwch yr Adnod Allweddol.


2

Dyna wahaniaeth a wnaeth yr Arglwydd Iesu i Bartimeus. Roedd ei dywyllwch wedi mynd!  
Roedd yn gallu gweld!

**C** Chwiliwch am Ioan 8: 12 a'i hysgrifennu isod, a chewch wybod am y bywyd newydd a gawn os dilynwn yr Arglwydd Iesu.


2

**C** Beth a adawodd Bartimeus ar ôl pan ddaeth at Iesu?

--

1

Gallem ddweud fod mantell (clogyn) Bartimeus yn cynrychioli ei hen ffordd o fyw. Pan fyddwn yn dilyn Iesu Grist mae'n rhaid i ni adael ein hen ffordd o fyw â'i harferion a'i syniadau pechadurus ar ôl, a dilyn ei ddysgeidiaeth a'i esiampl Ef.

**C** Ysgrifennwch YN EICH GEIRIAU EICH HUNAN un rheswm pam y gwnaeth Bartimeus ddilyn Iesu.


1



DARLLENWCH  
Luc 17: 11-19



ADNODAU  
ALLWEDDOL  
Effesiaid 2: 8 a 9

## Astudiaeth 4 Gwyrthiau – Deg o Wahangleifion




### Awgrymiadau am Adnodau Eraill i'w Darllen

2 Brenhinoedd 5 Marc 1: 40-45 Philipiaid 4: 6 and 7

Roedd sôn am yr Arglwydd Iesu wedi cyrraedd yn bell. Roedd y dynion hyn - deg o wahangleifion - wedi clywed amdano er eu bod yn byw y tu allan i'w pentref, wedi'u gwahanu oddi wrth weddill y bobl. Roedd ganddynt glefyd heintus iawn a, gan amlaf, nid oedd modd ei wella. Fe wnaethon nhw sefyll bellter oddi wrth Iesu a gweiddi'n uchel arno.

#### C Beth ddywedon nhw?



2

#### C Beth oedd ateb Iesu?

2

Roedd y deg yn gwybod beth oedd ystyr hynny! Dim ond yr offeiriad oedd yn cael ysgrifennu'r dystysgrif i ddweud eu bod wedi gwella ac nad oeddent yn dioddef o'r gwahanglwyf bellach. Wedyn, byddent yn cael mynd yn ôl i'w cartrefi, at eu teuluoedd i fyw bywyd arferol a chael gwaith. Felly i ffordd â nhw ac, ar y ffordd, fe welsant fod rhywbeth anhygoel wedi digwydd iddynt.

#### C Beth oedd wedi digwydd?

1

Mae'n siŵr eu bod nhw i gyd wedi sylweddoli mai Iesu oedd wedi gwneud hyn iddynt ond y cyfan a wnaeth naw ohonynt oedd cario ymlaen ar eu ffordd.

#### C Soniwch yn fanwl am yr hyn a wnaeth y llall.

3

#### C I ba genedl roedd y dyn hwn yn perthyn?

1

Efallai eich bod yn meddwl tybed pam y mae'n sôn am genedl y dyn! Doedd yr Iddewon a chenedl y dyn hwn ddim yn cytuno – roedden nhw'n elynion! Er hynny, hwn oedd y dyn a ddaeth yn ôl i ddiolch i'r Arglwydd Iesu a oedd yn Iddew.

Yna, holodd Iesu lle'r oedd y naw arall a pham mai dim ond un a ddaeth yn ôl i ddiolch ac i foli Duw. Mae'n siŵr fod Duw yn gofyn yr un cwestiwn yn aml heddiw. Ychydig iawn o bobl sy'n cofio diolch i Dduw a'i foli am y cyfan y mae'n ei wneud drostynt a'r cyfan y mae'n ei roi iddynt.

**C** Ysgrifennwch ddau o'r pethau y mae Duw wedi'u rhoi i chi ac y gallwch fod yn ddiolchgar amdanynt

1
2


2

**C** Beth oedd wedi iacháu'r dyn?

--

1

Cafodd y dyn â'r gwahanglwyf ei wella oherwydd ei ffydd. Gallwn ninnau gael ein gwella o glefyd pechod trwy ffydd yn yr Arglwydd Iesu. Mae hyn yn golygu y gellir ein hachub ni rhag cael ein cosbi am ein pechod pan gredwn fod Iesu wedi cael ei gosbi drosom ni ar y groes.



**C** Ysgrifennwch yr Adnod Allweddol.


3

**C** Yn yr Adnod Allweddol:-

1. Rhowch gylch o gwmpas y gair sy'n dangos mai cariad Duw sy'n ein hachub ni.
2. Tanlinellwch y gair sy'n dweud beth y mae'n rhaid i ni ei gael er mwyn cael ein hachub.
3. Beth na fydd yn ein hachub? Rhowch focs o gwmpas y gair hwn.

3

**C** Pa wersi pwysig rydych chi wedi'u dysgu o'r pedair astudiaeth ar gyfer y mis hwn?


2

**cyfanswm**

--

Marciau  
(i'w nodi gan yr arweinydd)


Cyfanswm

Cyfanswm Llawn

Cyhoeddwyd yn wreiddiol yn Saesneg gan: © Bible Educational Services, P.O. Box 42, Penarth, CF64 3YD.  
Y gwersi ar gael i'w lawrlwytho yn rhad ac am ddim ar [www.biblelinkit.com](http://www.biblelinkit.com) neu ffoniwch 01202 873500 am fwy o wybodaeth. Rhif elusen 1096157

Cyhoeddir y gwersi Cymraeg gan © 2008 Pwyllgor Amserbeibl Cymru.  
Addasiadau Cymraeg gan Siân Roberts a Linda Lockley. Golygydd gan Siân Roberts. Cysodwyd gan Ynnyr Roberts.  
Cyfres lawn o wersi dros dair blynedd i rai 4-15 oed ar gael i'w lawrlwytho yn rhad ac am ddim o [www.amserbeibl.org](http://www.amserbeibl.org)  
Am fanylion pellach neu i gyfrannu at y gwaith (rhoddion yn daladwy i 'Amserbeibl') cysylltwch ag:  
Aled Davies, Cyngor Ysgolion Sul, Ael y Bryn, Chwilog, Pwllheli, Gwynedd LL53 6SH ☎ 01766 819120